

Hosea

Isrel äbot uwä kubokäret webe bumik

5

Hosea 5:15

Isrel ämawebe bänepi bureni nämo sukurenkuŋ

¹⁵* Yawetä ŋode yänkuk;

Näk ämawebenaye mäde ut yämiŋpäŋ komenaken kuŋjira momini täŋo kowata nadäwä tärewäkaŋ äyänutpäŋ näkä täŋkentäŋ yämikta kaŋ wäyäkŋewut. U komi nadänpäŋ näkken äneŋi äbäka piäni kaŋ täŋput. Ude täŋpöpäŋ uyaku äneŋi dubiniken kwet.

6

Hosea 6:1-6

¹ Upänkaŋ ŋode jop yäk täkaŋ; Yäke! Nin Yawe dubiniken äneŋi kuna yäk. Uwä nin nidäpmäŋpäŋ täŋpäŋ waŋkuŋo upänkaŋ nadäkamäŋ; U jibi meni äneŋi api uwäktäŋ nimek yäk. ² Bureni, kepma yarä ba yaräkubä täreŋirän unitä api nipmaŋpäŋ tägane. Ude täŋirän ukät äneŋi bänep kubägän täŋpäŋ api it yäpmäŋ ärone yäk. ³ Eruk, Yawe nadäŋ imina. Unitäŋo mebäri ket nadäkta epäni gwäk pimiŋpäŋ täna! Ude täŋitna kome dapuritä tami- maŋ tamimaŋ bureni api äbäk täŋpek yäŋ nadäk täkamäŋ, ba iwäntä iwän kadäniken bureni tak

* **5:15:** Lo 30:1-3; Sam 50:15, 83:16; Luk 13:25

täyak yäj nadäk takamäj udegän Yawetä bureni api ahäj nimek yäj nadäkamäj.

⁴ Ämawebetä ude yäjirä Yawetä ñode yäwetkuk; Wära! Isrel äbot, jide api täñ tamet? Ba Juda äbot, in imaka, jide api täñ tamet? Näka gäripi nadäj namik takañ uwä tamimanäj täño gubamtä ahänpäj bäräñeñ äbutkuk takañ ude. Ba guk näburum edaptä äbä täpuri inirän paot takañ ude.

⁵ Mebäri unita näkä profetnaye ätu peñ yäwerira inken päñku mena jinom yäjahänpäj täwetkuño unitä in tadäpmänpäj madäj jukut-jukut ude täñkuk. Bureni, täwetpäj yäpä-siwonjak mannatä ahäj tamiñpäj kädet näkä gäripi nadäk täyat u yäj-kwawatañ tamiñkuk, yäpätä kwinitpäj penyäjek täyak ude. ⁶ * Nadäkaj? Näk gupe kähäñi nitek ijin namikta nämo nadätat. Nämo, intä ämawebeta nadäj yämikinik täñpeñ kuñatta nadäk täyat. Ba tom madänpäj ijin namikta nämo, Anutu näkño mebäri nadäwä tärekta nadäk täyat.

11

Hosea 11:1-4, 8-9

Anututä ämawebeniye nadäj yämikinik tak täyak

¹ * Yawe näkä ñode yäyat; Isrel u nanak täpuri irirän gäripi nadäj imiñkut. Nanakna u Isip kome irirän gera yäjira äneñi äyäjutpeñ äbuk.

² * Upäñkaj näkä dubinaken äbut yäjpäñ gera ehutpäñ yäjira ämawebe unitä ehutpäñ mäde ut namiñkuñ. Ämawebenaye uwä anutu jopi Bal ba

* **6:6:** Sam 50:8-13; Ais 58:6; Mat 5:7, 9:13, 12:7; 1Jo 2:3, 3:6

* **11:1:** Kis 4:22; Mat 2:15 * **11:2:** Luk 13:34; Jon 3:19; Apos 7:51; 2Ko 2:15-16

anutu jopi ätuta ärawa tänpän gupe kábäni nitek
 ijin imik täņkuņonik. ³ Butewaki, Isrel ämawebe u
 näkņa-tägän ini kuņatta tänpän yäwoņäreĳ täņkut,
 ba bäyaņ yäpmäņitpän yäpmäņ kuņatkut. Ude
 tänpän watä säĳgämän it yämiņkuropän u näkä täyat
 yäņ nämo nadäņkuņ. ⁴* Näĳ ĳäripi nadäņ yämiņpän
 oranpän yäņ-yäkņat yäpmäņ päbä ĳämotnaken yep-
 maņpän yäniņ oretkaņ ketem säĳgämän yepmäņ
 towiņkut.

... ⁸* O Isrel, jide tänpän mäde api ut tamet? Ba
 jide tänpän api tabä kätäwet? Ude täĳa nämo! Atma
 kenta Seboim nanik däpmäņ moreņkuro udegän
 inta täĳa nämo api täņpet. Imata, inta ĳäripi pähap
 nadätat unita ude täĳta bitnätat. ⁹ Näĳ inta kok-
 wawak taņi nadäk täyat upäņkaņ uterak kowata
 nämo api tamet. Nämo, Isrel ämawebe in äneņi nämo
 api tadäpmäņ paoret. U imata, näĳņo kudän uwä
 äma täņo kudän udewanigän nämo. Nämo, näĳ
 Anutu, Kudupi Äma bämopjinken irani u. Täĳtäkna
 u inigän kubä. Unita kokwawak terak inken nämo
 api ärewet.

* **11:4:** Mat 11:29-30; Jon 6:32-58, 12:32; Rom 2:4, 11:22; 2Ko 5:14

* **11:8:** Lo 29:23; 2Pi 2:6; Jud 1:7; Sam 106:45; Jer 3:12

Anutu Täŋo Man
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 11 Nov 2022 from source files dated 9 Oct 2020

914cbf46-f59a-54d1-b209-0f763534edb5